



Broj: 01/1-50-1-1-37/08
Sarajevo, 8.4.2008.godine

Z A P I S N I K

37. sjednice Ustavnopravne komisije

Sjednica je održana 8.4.2008., s početkom u 14 sati.

Sjednici su prisustvovali članovi Komisije: Šefik Džaferović, Lazar Prodanović, Momčilo Novaković, Adem Huskić, Halid Genjac, Velimir Jukić, Ekrem Ajanović i Drago Kalabić. Odsustvo je opravdao član Komisije Martin Raguž.

Osim članova Komisije, sjednici su prisustvovali i predstavnici: OSCE-a Amila Ibrahimović, Ministarstva sigurnosti BiH Amela Bašić i Radenko Stanić.

Sjednici su prisustvovali sekretar Komisije Igor Bajić i stručni saradnik u Ustavnoj komisiji Nedžad Salman.

Predsjedavajući Komisije predložio je, a Komisija jednoglasno usvojila sljedeći

D N E V N I R E D

1. Usvajanje Zapisnika 36. sjednice, održane 1.4.2008.;
2. Prijedlog zakona o dopunama Zakona o Službenom glasilu BiH, predlagач: poslanik Adem Huskić (**postupak u nadležnoj komisiji u skladu s članom 110. Poslovnika Doma**);
3. **Ostala pitanja:**
 - Zahtjev za autentičnim tumačenjem čl. 93. i 97. Zakona o policijskim službenicima BiH, („Službeni glasnik BiH“, br. 27/04, 63/04, 5/06, 33/06 i 58/06), podnosilac: Sindikat Granične policije BiH (**razmatranje zahtjeva u skladu s članom 137. stav (4) Poslovnika Doma**);
 - Zahtjev za autentičnim tumačenjem člana 23. Zakona o javnom radiotelevizijskom sistemu BiH, („Službeni glasnik BiH“, br. 78/05), podnosilac: Radiotelevizija Federacije BiH (**razmatranje Izvještaja Komisije za saobraćaj i komunikacije u skladu s članom 137. stav (5) Poslovnika Doma**).

Ad.1. Usvajanje Zapisnika 36. sjednice, održane 1.4.2008.

S obzirom da nije bilo rasprave, Komisija je jednoglasno usvojila Zapisnik 36. sjednice.

Ad.2. Prijedlog zakona o dopunama Zakona o Službenom glasilu BiH, predlagач: poslanik Adem Huskić (**postupak u nadležnoj komisiji u skladu s članom 110. Poslovnika Doma**)

Predsjedavajući je otvorio raspravu u kojoj su učestvovali članovi Komisije: Momčilo Novaković, Adem Huskić i Šefik Džaferović.

Nakon rasprave, Komisija je jednoglasno odlučila:

- Vijeće ministara BiH nije dostavilo mišljenje o ovom Prijedlogu zakona;
- Javno preduzeće NIO „Službeni list BiH“ nije dostavilo finansijski izvještaj o poslovanju za 2007. godinu.

Komisija predlaže Kolegiju da uputi urgenciju Vijeću ministara BiH za dostavljanje mišljenja i izvještaja o poslovanju „Službenog lista BiH“ bez kojih se Komisija ne može izjasniti o ovom prijedlogu zakona.

Ad.3. Ostala pitanja:

- **Zahtjev za autentičnim tumačenjem čl. 93. i 97. Zakona o policijskim službenicima BiH, („Službeni glasnik BiH“, br. 27/04,63/04, 5/06, 33/06 i 58/06), podnosilac: Sindikat Granične policije BiH (razmatranje zahtjeva u skladu s članom 137. stav (4) Poslovnika Doma)**

Predsjedavajući je otvorio raspravu u kojoj su učestvovali sekretar Komisije Igor Bajić i predstavnik Ministarstva sigurnosti BiH Radenko Stanić.

Nakon rasprave, jednoglasno je utvrđeno da Zahtjev nije podnio ovlašteni subjekt, kako je propisano odredbom člana 137. stav (2) Poslovnika Predstavničkog doma Parlamentarne skupštine BiH.

- **Zahtjev za autentičnim tumačenjem člana 23. Zakona o javnom radiotelevizijskom sistemu BiH („Službeni glasnik BiH“, br. 78/05), podnosilac: Radiotelevizija Federacije BiH (razmatranje Izvještaja Komisije za saobraćaj i komunikacije u skladu s članom 137. stav (5) Poslovnika Doma)**

Predsjedavajući je otvorio raspravu u kojoj su učestvovali svi članovi Komisije.

Nakon rasprave, Komisija je jednoglasno utvrdila sljedeće:

- Ustavnopravna komisija, u skladu s Poslovníkom Doma, utvrđuje jasnoću pravne norme i odlučuje da li ima potrebe za autentičnim tumačenjem pravne norme ;
- Komisija je u vezi s navedenim zahtjevom već utvrdila da norma nije jasna;
- Ustavnopravna komisija smatra da nadležna komisija treba dostaviti novi izvještaj s prijedlogom autentičnog tumačenja u skladu s članom 137. stav (6) Poslovnika Doma.

Kako nije bilo više pitanja, sjednica je završena u 15 sati.

SEKRETAR KOMISIJE

Igor Bajić

PREDSJEDAVAJUĆI KOMISIJE

Šefik Džaferović